

НЕДЕЛЯ, В НЮЖЕ ЧТЕТСЯ СВЯЩЕННОЕ И СВЯТОЕ ЕВАНГЕЛИЕ, ПРИТЧИ БЛУДНАГО СЫНА

В СУББОТУ ВЕЧЕРА

На бдении, по обычном стихословии, на Господи воззвах, поставим стихов 10, и поем стихиры Осмогласника воскресны 3, канатолиевы 3, и Триоди 4, повторяюще сия. Глас 1.

В безгрешную страну и животную вверихся, / посеяв грех, серпом пожав класы ленисти, / и рукоятием связав деяний моих снопы, / яже и постлах не на гумне покаяния: / но молю Тя превечнаго делателя нашего Бога, / ветром Твоего любоблагоутробия развей плеву дел моих, / и пшеницу даждь души моей оставление, / в небесную Твою затворяя мя житницу, и спаси мя.

Познаим братие, таинства силу, / от греха бо ко отеческому дому востекшаго блуднаго сына / преблагий отец предустрет лобзает, / и паки своя славы познание дарует: / и таинственное вышним совершает веселие, / закалая тельца упитаннаго, / да мы достойно сожителствуем, / заклавшему же человеколюбному Отцу и славному заклению, / Спасу душ наших.

Слава, глас 2: О коликих благ окаянный себе лиших! / О какова Царствия отпадох страстный аз! / Богатство изнувив, еже приях заповедь преступих. / Увы мне, страстная душе! / Огнию вечному прочее осудишися. / Темже прежде конца возопий Христу Богу / яко блуднаго прими мя сына, Боже, и помилуй мя.

И ныне. Богородичен 1-й, гласа.

Вход. Свете тихий: Прокимен: Господь воцарися:

На литии по обычаю стихира храма.

Слава, глас 4: Яко блудный сын приидох и аз Щедре, / житие все иждивый во отшествии. / Расточих богатство, еже дал еси мне Отче: / прими мя кающася, Боже, и помилуй мя.

И ныне, Богородичен тогожде гласа: Призри на моления Твоих раб, Всенепорочная, / утоляющи люта на ны востания, / всякия скорби нас изменяющи. / Ты бо, Едину, твердое и известное утверждение имама, / и Твое предстательство стяжахом. / Да не постыдимся, Владычице, Ты призывающи, / потщися на умоление Тебе верно вопиющих: / радуйся, Владычице, / всех помощи, радости и покрове, / и спасение душ наших.

На стиховне Осмогласника, по алфавиту.

Слава, самогласен, глас 6: Отческаго дара расточив богатство, / с безсловесными скоты пасохся окаянный, / и тех желая пищи, гладом таях не насыщаяся, / но возвратився к благоутробному Отцу, / взываю со слезами: / прими мя яко наемника / припадающа человеколюбию Твоему и спаси мя.

И ныне, Богородичен: Творец и Избавитель мой, Пречистая, / Христос Господь из Твоих ложесн прошед, / в мя оболкийся, / первая клятвы Адама свободи. / Темже Ти, Всечистая, / яко Божии Матери же и Деве, / воистинну вопием немолчно: / радуйся ангельски, радуйся, Владычице, / предстательство и покрове, / и спасение душ наших.

Отпустительный: Богородице Дево: трижды. И прочее последование бдения, яко обычно.

НА УТРЕНИ

На Бог Господь, тропарь Осмогласника воскресен, и Богородичен, обычное стихословие, и полиелей. Обычныя два псалма: припеваем же к сим и третий псалом со аллилуиею красною:

Псалом 136.

На реках Вавилонских, тамо седохом и плакахом, внемда помянути нам Сиона. Аллилуиа. На вербиих посреде его обесихом органы наша. Аллилуиа. Яко тамо вопросиша ны пленшии нас о словесех песней и ведшии нас о пении. Аллилуиа. Воспойте нам от песней Сионских. Аллилуиа. Како воспоем песнь Господню на земли чуждей? Аллилуиа. Аще забуду тебе, Иерусалиме, забвена буди десница моя. Аллилуиа. Прильпни язык мой гортани моему, аще не помяну тебе, аще не предложу Иерусалима, яко в начале веселия моего. Аллилуиа. Помяни, Господи, сыны Едомския, в день Иерусалимль, глаголющия: истощайте, истощайте до оснований его. Аллилуиа. Дщи Вавилоня окаянная. Блажен иже воздаст тебе воздаяние твоё, еже воздала еси нам. Аллилуиа. Блажен иже имет, и разбиет младенцы твоя о камень. Аллилуиа.

Степенны, и прокимен гласа. Всякое дыханье: Евангелие утреннее. Воскресение Христово: псалом 50.

Слава, глас 8: Покаяния отверзи ми двери, Жизнодавче, / утренюет бо дух мой ко храму святому Твоему, / храм носяй телесный весь осквернен: / но яко щедр, очисти / благоутробною Твоею милостию.

И ныне, Богородичен: На спасения стези настави мя, Богородице, / студными бо окалях душу грехми, / и в лености все житие мое иждих: / но Твоими молитвами / избави мя от всякия нечистоты.

Таже, глас 6: Помилуй мя, Боже, / по велицей милости Твоей, / и по множеству щедрот Твоих, / очисти беззаконие мое.

Множества содеянных мною лютых помышляя окаянный, / трепещу страшнаго дне суднаго: / но надеяся на милость благоутробия Твоего, / яко Давид вопию Ти: / помилуй мя, Боже, / по велицей Твоей милости.

Канон воскресен, со ирмосом на 4, и крестовоскресный на два, и Богородицы на два, и Триоди на 6. Минеи же последование поем на Повечерии, в пяток вечера.

Канон, творение господина Иосифа. Глас 2:
Песнь 1.

Ирмос: Моисейскую песнь:

Иисусе Боже, кающася прими ныне и мене, / яко блуднаго сына, все житие в лености живша, / и Тебе прогневавша.

Еже ми дал еси прежде, / зле расточих Божественное богатство, / удалихся от Тебе, блудно жив: / благоутробне Отче, прими убо и мене обращающася.

Слава: Объятия ныне Отеческая простер, / прими Господи и мене, якоже блуднаго, Всещедре, / яко да благодарно прославлю Тя.

И ныне, Богородичен: На мне Боже, всю показав благостыню, / презри моих множество согрешений, яко благодетель, / божественными Матере Твоея мольбами.

Катавасии же поем ирмосы канона. Ирмос: Моисейскую песнь восприимши возопий душе: / Помощник и Покровитель бысть мне во спасение, / сей мой Бог, и прославлю Его.

Песнь 3.

Ирмос: Неплодствовавший мой ум:

Весь вне быв себе, / умовредно прилепихся страстей обретателем: / но прими мя, Христэ, якоже блуднаго.

Блуднаго гласу поревновав, вопию: / согреших, Отче, якоже онаго убо, / и мене обими ныне, и не отрини мене.

Слава: Объятия Твоя простер Христэ, / милостивно прими мя, / от страны дальня греха и страстей обращающа.

И ныне, Богородичен: Добрая в женах, обогати и мене добрых виды, / грехи многими обнищавшаго Чистая, / яко да славлю Тя.

Ирмос: Непоцвотавший мой ум, / плодоносен Боже покажи ми, / делателю добрых, насадителю благих, / благоутробию Твоим.

Седален, глас 1.

Подобен: Гроб Твой:

Объятия Отча отверсти ми потщися, / блудно иждих мое житие, / на богатство неиждиваемое взираяи щедрот Твоих Спасе, / ныне обнищавшее мое сердце не презри. / Тебе бо Господи, во умилении зову: / согреших, Отче, на небо и пред Тобою.

Слава, тойже.

И ныне, Богородичен. Подобен: Безневестная Чистая Богородице Дево, / едина верных предстательнице и покрове, / бед и скорбей, и лютых обстояний, всех свободи, / на Тя надежды Отроковице имущих, / и души наша спаси божественными молитвами Твоими.

Песнь 4.

Ирмос: Еже от Девы Твое Рождество:

Богатство благих, еже дал ми еси Небесный Отче, / расточих зле, странным гражданином порабощен. / Темже вопию Ти: согреших Ти, / прими мя яко блуднаго древле, / простер обятия мне Твоя.

Всякой злобе поработихся, / приникнув оканно страстей делателем, / и себе вне бых несмотрением, / ущедри мя Спасе, Пренебесный Отче, / прибегающа ко многим Твоим щедротам.

Слава: Всякаго студа исполнихся, / не смея возрети на высоту небесную: / ибо безсловесно приникнув греху, / ныне же обращаю вопию умилением: / согреших Ти, прими мя, Всецарю.

И ныне, Богородичен: Человеском поможете, упование твердое всем христианом, / прибежище Чистая спасаемым: / спаси мя Дево, матерними Твоими мольбами, / и будущия жизни сподоби.

Ирмос: Еже от Девы Твое Рождество пророк предзря, / возпроповедаше вопия: / слух Твой услышах и убояхся: / яко от юга, и из горы святых, приосененныя / пришел еси Христэ.

Песнь 5.

Ирмос: Ноши прешедшей:

Поработихся гражданином странным, / и в страну тлетворную отыдох, и исполнихся студа: / ныне же обращая зову Ти Щедре, согреших.

Отеческая Твоя благоутробию ныне отверзи ми, / от злых обратившуся, Небесный Отче, / и не отрини мене, имеяи премногую милость.

Слава: Не смею возрети горе на высоту, / без числа Христэ прогневав Тя: / но ведый Твоя щедроты милостивныя, взываю: / согреших Ти, очисти, и спаси мя.

И ныне, Богородичен: Всесвятая Дево благодатная, / очищение всем рождающая, / моих согрешений тяжкое бремя / Твоими молитвами облегчи.

Ирмос: Нощи прешедшей, приближися день / и свет миру возсия: / сего ради хвалят Тя ангельстии чини, / и славословят Тя вся всяческая.

Песнь 6.

Ирмос: Во глубинѣ греховней:

Глубина согрешений содержит мя присно, / и треволнение грехов погружает мя: / окорми мя ко пристанищу жизни, Христе Боже, / и спаси мя Царю славы.

Богатство Отеческое расточи люте, / и обнищав студа исполнихся, / поработен неплодными помышлениями. / Темже Ти вопию: / Человеколюбче ущедри, и спаси мя.

Слава: Гладом истаявша всяких благ, / и устранившася от Тебе Всеблагий, / ущедри обращающаяся мя ныне, / и спаси Христе, поюща Твое человеколюбие.

И ныне, Богородичен: Спаса и Владыку рождающая Христа, / спасения мя Отроковице сподоби, / обнищавша от всяких благ, Дево Чистая, / да пою Твоя величия.

Ирмос: Во глубинѣ греховней содержимъ есмь Спасе, / и в пучине житейстей обуреваемъ, / но якоже Иону от зверя, / и мене от страстей возведи, и спаси мя.

Кондак, глас 3.

Подобен: Дева днесь.

Отческия славы Твоя удалихся безумно, / в злых расточив еже ми предал еси богатство. / Темже Ти блуднаго глас приношу: / согреших пред Тобю, Отче щедрый, / прими мя кающа / и сотвори мя яко единого от наемник Твоих.

Иисус: Спасу нашему на всяк день учащу Своим гласом, / писания услышим о блудном, и целомудренном паки. / И сего верою подражаем доброе покаяние, / Ведущему тайная всех, смирением сердца воззовем: / согрешихом Ти, Отче щедрый, / и никогдаже достойни есмь нарецися чада, якоже прежде. / Но яко естеством сый человеколюбив, Ты прими, / и сотвори мя яко единого от наемник Твоих.

И бывает чтение прежде синаксаря в Минеи: также в Триоди по чину.

Песнь 7.

Ирмос: Херувимы подражающе:

Сладостем телесным приклонихся всеокаянно, / и поработихся весьма страстным изобретением, / и странен бых от Тебе Человеколюбче. / Ныне же зову блуднаго гласом: / согреших Христе, не презри мене, яко един милостив.

Взываю, согреших, никакоже возрети дерзая на высоту небесную, Всецарю, / яко в безумии един Ты прогневах, / отвергся Твоих повелений. / Темже яко един Благий, / не отвержи мене от Твоего лица.

Слава: Апостол, Господи, и пророк, и преподобных, / и честных мученик, и праведных мольбами / прости ми вся, яже согреших, / прогнав Христе благодать Твою, / яко да песнословлю Тя во вся веки.

И ныне, Богородичен: Херувим явльшися, и серафим Богородице, / и всех светлейшая небесных воинств, / с сими умоли, Егоже воплотила еси Божественное Слово Всенепорочная, Безначальнаго Отца, / яко да благ вечнующих вси сподобимся.

Ирмос: Херувимы подражающе отроцы / в пещи ликовствоваху вопиюще: / благословен еси Боже, / яко истиною и судом навел еси сия вся грех ради наших, / препетый, и препрославленный во вся веки.

Песнь 8.

Ирмос: В купинѣ Моисею:

Сшѣдый на зѣмлю спасти мир, / вольною нищетю за милосѣрдие многое, / обнищавшаго мя ныне от всякаго благодѣяния, / яко милостивый, спаси.

От Твоихъ заповедей удалився, / поработихся всеокаянно лестцу: / обращающагося же ныне, / яко блуднаго древле припадающа Тебѣ, / прими Пренѣбесный Отче.

Благословимъ Отца и Сына и Святаго Духа, Господа.

Тлетворными помышленными объемся омрачхся, / и от Тебѣ удалхся, весь вне себѣ быв Щедре. / Темже в покаянии припадающа Тебѣ спаси.

И ныне и присно и во веки веков, аминь.

Богородичен: Богородительнице Чистая, / низверженных исправление едина, исправи и мене / всякими грехами сокрушеннаго всего и смиреннаго.

Ирмос: В купинѣ Моисею Дѣвы чудо, / на Синайстей горѣ, прообразившаго иногда, / пойте, благословите / и превозносите во вся веки.

Песнь 9.

Ирмос: От земнородныхъ кто слыша таковоѣ?

Видь Христѣ печаль сердца, видь мое обращение, / видь слезы Спасе, и не презри мене, / но обими паки благоутробия ради, / множеству спасаемыхъ Пречистая, / яко да пою благодарно милости Твоей.

Яко разбойникъ вопию: помяни мя, / яко мытарь умилился, бию в перси, и зову ныне: очисти, / якоже блуднаго прими мя Всещедрый, от всехъ золъ моихъ, Всецарю: / яко да пою Твое крайнее низхождѣние.

Воздохни ныне душе моя всеокаянная, и возопий Христу: / мене ради волю обнищавый Господи, / обнищавшаго мя от всякаго благодѣяния, / добрыхъ богатствомъ яко Благий и Многомилостивый единъ обогати мя.

Слава: Еже иногда соделалъ еси веселие блуднаго, Блаже, обращениемъ вольнымъ, / сие ныне сотвори и на мене окаянномъ, / простирая ми честная Твоя объятія. / Да спасся песнословлю крайнее Твое низхождѣние.

И ныне, Богородичен: Светлыми молитвами Твоими Дѣво, / мысленная моя очеса омраченна злобою, просвети, молюся, / и к путю покаяния введи мя, / яко да должно Тя песнословлю, / паче слова Слово воплотившую.

Ирмос: От земнородныхъ кто слыша таковоѣ? Или кто виде когда, / яко Дѣва обретѣся во чреве имущая, / и безболѣзненно Младенца породившая? / Таковоѣ Твое чудо, / и Тя, Чистая Богородице, величаемъ.

Ексапостиларий Осмогласника, таже настоящий Триоди.

Подобен: Женѣ услышите:

Богатство, еже ми далъ еси, благодати, окаянный отшѣд, / непотребно зле иждихъ, Спасе, блудно поживъ, / демономъ лстывно растохъ. / Темже мя обращающа, / якоже блуднаго прими, Отче щедрый, и спаси.

Иный, подобен: Растохъ богатство Твое иждивъ, Господи, / и лукавымъ демономъ повинухся окаянный, / но Спасе Всеблагоутробне, / блуднаго ущедри, и оскверншася очисти, / первую отдай мне одежду Твоего Царствия.

Богородичен, подобен: Святаѣ Мати Дѣво, велие проповѣдание апостоловъ, / мучениковъ, и пророковъ, и преподобныхъ, / Твоего Сына и Господа / умилостиви намъ, рабѣмъ Твоимъ, Богородительнице, / егда сядетъ судити по достоянью коегождо.

На хвалитех стихиры
Осмогласника воскресны 4, и анатолиев 1,
и Триоди самогласны 3, глас 2.

Блуднаго глас приношаю Ти, Господи: / согреших пред очима Твоима Благий, / расточих богатство Твоих дарований. / Но прими мя кающаяся Спасе, и спаси мя.

Глас 4. Стих: Воскресни, Господи Боже мой, да вознесется рука Твоя, / не забуди убогих Твоих до конца.

Яко блудный сын придох и аз, Щедре, / житие все иждивый во отшествии: / расточих богатство, еже дал ми еси Отче. / Прими мя кающаяся, Боже, и помилуй мя.

Глас 8. Стих: Исповеся Тебе, Господи, всем сердцем моим, / повем вся чудеса Твоя.

Иждих блудно / Отческаго имени богатство, и расточив, пуст бых, / в страну вселився лукавых граждан, / и ктому не терпя с ними сожительства, / обращаю вопию Ти, щедрому Отцу: / согреших на небо и пред Тобою, / и не смею достоин нарецися сын Твой. / Сотвори мя яко единого от наемник Твоих, Боже, / и помилуй мя.

Слава, глас 6: Отче Благий, удалихся от Тебе, не остави мене, / ниже непотребна покажи Царствия Твоего: / враг вселукавый обнажи мя и взят мое богатство, / душевная дарования блудно расточих. / Востав убо обращаю к Тебе вопию: / сотвори мя яко единого от наемник Твоих, / мене ради на Кресте пречистеи Твоей руке прострый, / да лютаго зверя исхитиши мя, / и в первую одежду облечеши мя, / яко един Многомилостив.

И ныне: Преблагословенна еси Богородице Дево:

Славословие великое. ектении, и отпуст. И обычно лития, на нейже поется Слава, и ныне: стихира евангельская: и чтутся оглашения. И час первый в притворе. И совершенный отпуст.

НА ЛИТУРГИИ

Блаженна Осмогласника, на 6, и Триоди песнь 6-я, на 4.

Кондак Триоди, глас 3.

Подобен: Дева днесь:

Отческакия славы Твоея удалихся безумно, / в злых расточив еже ми предал еси богатство. / Темже Ти блуднаго глас приношу: / согреших пред Тобою, Отче щедрый, / прими мя кающаяся / и сотвори мя яко единого от наемник Твоих.

Прокимен Апостола по гласу.

Апостол к Коринфяном, зачало 135.

Братие, вся ми леть суть, но не вся на пользу: вся ми леть суть, но не аз обладаю буду от кого. Брашна чреву, и чрево брашном: Бог же и сие и сия упразднит. Тело же не служению, но Господеви, и Господь телу. Бог же и Господа воздвиже, и нас воздвигнет силою Своєю. Не весте ли, яко телеса ваша удове Христовы суть? Взем ли убо уды Христовы, сотворю уды блудничии? Да не будет. Или не весте, яко прилепляйся сквернодейце, едино тело есть (с блудодейцею)? Будета бо, рече, оба в плоть едину. Прилепляйся же Господеви, един дух есть с Господем. Бегайте блудодеяния: всяк бо грех, егже аще сотворит человек, кроме тела есть, а блудяй, во свое тело согрешает. Или не весте, яко телеса ваша храм живущаго в вас Святаго Духа суть, Егже имате от Бога, и несте свой? Куплени бо есте ценою. Прославите убо Бога в телесех ваших, и в душах ваших, яже суть Божия.

Аллилуя гласа.

Евангелие от Луки, зачало 79.

Рече Господь притчу сию: человек некий имел два сына. И рече юнейший его отцу: отче, даждь ми достойную часть имения. И раздели има имение. И не по мнозех днех собрав все мний сын, отиде на страну далече, и ту расточи имение свое, живый блудно. Изжившу же ему все, бысть глад крепок на стране той, и той начат лишатися. И шед прилепился единому от житель той страны: и посла его на села своя пасти свиния. И желаше насытити чрево свое от рожец, яже ядыху свиния: и никтоже даеше ему. В себе же пришед, рече: колико наемником отца моего избывают хлебы, аз же гладом гиблю? Востав иду ко отцу моему, и реку ему: отче, согреших на небо и пред тобою, и уже несмы достоин нарещися сын твой: сотвори мя яко единого от наемник твоих. И востав иде ко отцу своему. Еще же ему далече сущу, узре его отец его, и мил ему бысть, и тек нападe на выю его, и облобыза его. Рече же ему сын: отче, согреших на небо и пред тобою, и уже несмы достоин нарещися сын твой. Рече же отец к рабom своим: изнесите одежду первую и облецыте его, и дадите перстень на руку его и сапоги на ноze. И приведше телец упитанный, заколите, и ядше веселимся. Яко сын мой сей мертв бе, и оживе: и изгибл бе, и обретеса. И начаша веселитися. Бе же сын его старей на селе: и яко грядый приближися к дому, слыша пение и лики. И призвав единого от отрок, вопрошаше: что убо сия суть? Он же рече ему, яко брат твой прииде, и закла отец твой телец упитанный, яко здрава его прият. Разгневався же и не хотяше внити. Отец же его изшед моляше его. Он же отвещав, рече отцу: се толико лет работаю тебе, и николиже заповеди твоя преступих, и мне николиже дал еси козляте, да со други своими возвеселился бых. Егда же сын твой сей, изъедый твоe имение с любодейцами, прииде, закла ему телец питомый. Он же рече ему: чадо, ты всегда со мною еси, и вся моя твоя суть. Возвеселити же ся и возрадовати подобаше, яко брат твой сей мертв бе, и оживе: и изгибл бе, и обретеса.

Причастен: Хвалите Господа с Небес, хвалите Его в Вышних. Аллилуиа, трижды.

Подобает ведати, яко в седмице мясопустной Аллилуиа не поем: оставляем же и едину кафисму Псалтира от Утрени, и глаголем сию на Вечерни. Песней во Псалтири не глаголем. Не поется же и междочасие, и канон молебный Пресвятей Богородице, поемый на Повечерии: Повечерие же поется малое: Такжеде творим в седмице сырной, разве среды и пятка, но о сем всем тамо указа ищи. Прочитаем же в сей недели в койлюбо день на Утрени слово святого Макария о Четырдесятнице, и Пятьдесятнице, егоже начало: Чадца моя, радуется сердце мое вас ради:

Ведомо же да есть, яко последование прилучающихся святых в субботу, и в Неделю мясопустную, поется в мимошедших Повечериях. Такжеде о субботе и Неделе сыропустной творим: или како настоятель изволит, кроме аще где случится великаго святого память.